

與

稽

齋

叢

稿

無雙樂府

叢稿第二

長洲 吳翌鳳

南陵金射堂著無雙譜自漢迄宋凡四十人右圖其
像左系以詩暇日戲效爲之以其題類樂府因名之
曰無雙樂府云乾隆丁亥秋九月二日寓雍熙寺南
蔣氏紫薇山館書

博浪椎

荆軻匕首漸離筑烈士報燕志未足誰將博浪鐵椎飛
野狐叫嘯山魃哭金人十二寸鐵除百二之椎鐵有餘

大索十日不可得當時猶惜椎空擲椎空擲雖可惜祖龍至今死無魄。

垓下歎

君不見楚重瞳大小百戰成何功。亟殺義帝不王關中。割鴻溝以西。技則窮。垓下悲歌帳中舞。有何面目歸江東。千金之賞。呂馬童。虞兮。雖兮。殉節同。惟此乃足稱英雄。

老博士

遺經不隨秦火紅。二十九篇出壁中。抱殘守闕一老翁。

老翁龍鍾不能步。誰徃受經命。鼃錯鳴呼鼃。錯稱智囊。刑名法術。乃所詳。不崇伏老。宗申商。

星精謠

世間安有。不死酒。臣若飲之。盡盈缶。不死之酒。不死人。陛下莫怒。莫殺。臣浮沈豹尾中。禮數曾不異。畜以俳優。閒滑稽。聊玩世。君不見青鳥飛來。朱鳥樞翩然。王母乘雲。駟瓊田。空覓長生草。不識郎官是歲星。

河源查

黃河九曲。星九垣。濁流莽莽。高入天。繫何郎官。應募去。

乘查西出尋河源織女宮支機石持向成都人不識胡
不徑把河源塞不見淇園竹盡壁馬沈廿載空歌瓠子
決

牧羝曲

鼠。可。掘。雪。可。齧。毳。毛。可。咽。血。可。泣。寧。死。不。受。左。伊。秩。咄。
爾。陵。咄。爾。律。那。識。子。卿。心。似。鐵。牧。羝。十。九。年。歸。來。鬢。毛。
白。鬢。毛。白。節。旄。脫。羞。殺。石。頭。城。令。人。求。故。節。

龍門史

始陶唐迄麤止劉向揚雄詫良史百三十卷人宗師悲

憤者書誰不知擬諸春秋則不可腐史功應配盲左。

恐驚寐

鄧道銅山崩雲陽少年起法堯禪舜且不惜黃頭郎君
那得比斷衷起恐驚寐椒房同一貴寧爲蕭咸讓
不作孔光媚

桐江詞

桐江煙月裏一竿足平生同臥不爲榮羊裘豈逃名多
事客星照空令世眼驚

娥江行

嵩○春○江○頭○義○士○骨○汨○羅○江○上○忠○臣○石○維○忠○義○孝○同○一○轍○
應○與○娥○江○作○三○絕○娥○江○名○號○繇○曹○娥○娥○有○父○兮○爲○里○巫○
叶
溯○江○歌○舞○迎○婆○娑○輕○將○血○肉○吞○龍○鼉○娥○年○十○四○涕○滂○
沱○投○灰○覓○屍○不○可○得○翻○身○一○躍○投○江○波○至○今○江○上○愁○雲○
多○娥○江○行○何○太○苦○孝○女○名○自○終○古○不○見○緹○縈○上○書○救○父○
死○天○壤○寥○寥○兩○女○子○

探虎穴

不○入○虎○穴○不○得○虎○子○鄒○善○國○中○殺○虜○使○火○光○徹○空○葬○天○
紫○出○入○二○十○年○安○集○五○十○國○玉○關○生○入○已○後○時○幸○不○將○

身委西域于嗟乎飛將軍已刎極邊明珠惹芭悲馬援
丈夫未有封侯骨只合老死筆硯間

曹大家

謝女才華能詠絮宣文講學生徒聚何似扶風世叔妻
東閣修書續彪固立身節義誠足奇皇后貴人師事之
卽今女誠傳閨闈彤管千秋紀惠妃

趙娥怨

誰刃殺父賊幸有兄弟存可憐兄弟俱病死閨中弱質
何足論壯哉趙娥拂衷起鄰婦莫笑壽莫喜磨刀霍霍

如流水一朝殺賊都亭中血流草木爲之紅君不見孫
翊妻智慮雄殺讐祭夫反掌中追配娥親母乃同

孫郎至

江東年少孫翊兒行年十七將父師破橫江拔當利軍
威所到衆心悸不畏曹瞞來但怕孫郎至紛紛稱帝復
稱王效忠守節惟孫郎乘虛襲許志未遂破虜將軍同
灑淚生子當如孫仲謀可憐身著鱗子裘

伏龍吟

公出漢室尊公歿漢室淪漫恨中原屬佗人隆中早已

籌三分。猗與伏龍。古無比。莫話區區。頭腹尾。

焦隱士

焦山山頭焦隱士。見漢室衰。召不起。括囊無咎。悟易理。絕口不語。至于死。周廟金人。毋乃是。

奈何降

東吳不可奔。南夷不可止。一辱再辱。計慮周老。臣碩畫。降而已。奈何降北地。王愴慨。哭廟聲。悲涼殺妻。殺子。遂自殺。衆心莫保。漢室亡。漢室亡。君勿傷君。不見益州。刺史前。劉璋放虎。自衛勢。莫當城中。精甲尙三萬。開城自

詣軍門降。

峴山行

君不見羊叔子輕裘緩帶真名士人乃道不如銅雀臺
前伎修德服吳人屯田自整理平生遺澤滿襄陽墮淚
碑存峴山趾峴山趾公之魂魄猶登此烏虜王家亦有
寧馨兒敗俗傷化終不支清談殺身良足悲。

并子三

長橋蛟南山虎并子而三鄉里苦時和年豐亦何補翻
然射虎更殺蛟折節受學真人豪佗年涇陽致命日入

洛機雲豈其匹。

墮樓詞

樓下鴟鵂聲樓頭明月色樓頭見妾心樓下見妾血。

義皇人

謝侍中佐新命徐祕書哭亡晉悲歡之事固不同同時遺老惟陶公叩門乞食餘禠褐彊似朱衣草間活籬下鞠門前柳葛巾漉酒共賢婦先生一夢見義皇任爾蠅營與狗苟。

無卿比

北海賣畚翁江東無卿比軍諮祭酒辭弗爲遇呂婆樓
入秦矣長安角氏正舉兵欣如爭德得孔明六合未一
志未足奪我景畧何太速燕勿縱晉勿圖遺言不聽悲
秦苻涼馬臺前渡草葭風聲鶴唳偃不蘇阿得脂歌緩
急甲申乙酉魚羊食三原五巖盡流血

別墅碁

壽陽城頭敵氛惡飛角侵邊肆殘虐將軍問計云有旨
相與圍碁賭山墅捷書夜報碁未終置書牀上無喜容
小兒輩遂破賊碁罷還歸屐齒折君不見蜀中辦賊費

尚書嚴駕對奕神恬如可人先後若合符。

璇璣圖

良人出鎮在襄陽欲徃從之江水長況聞親人固君龍
雙飛雙宿雙鴛鴦雙鴛鴦羨芳躅新人歡呼故人哭何
以報之八百四十言回文織就五采宣中央四角相盤
旋一寸相思成一字字字蘇娘眼中淚

女從征

手持三尺莫邪劍臂挽五石秦娘弓翻然下機出門去
旁人那得分雌雄阿耶無兒但有女軍符催迫耶心苦

兒願替耶征邊城作干櫓後來天寶大舉兵石壕老婦猶從征

洗夫人

高涼夫人馮寶妻女中豪傑世所稀拊循蠻夷七十載
三見中原帝朝改新息戰歿武鄉亡一婦威名震南海
夫人城娘子軍木蘭從軍并一身一騎紅妝建高纛千
年後有秦良玉

女主昌

太白見女主昌可憐枉殺李五娘三十年後王天下金

輪皇帝登明堂諸武典諸李死呂野雞後一人爾易唐
爲周建七廟滿堂公卿順風旨有子不遣事女王至今
猶說狄家姊

昌宗裘

延清有口過馮寶亦歐死奉宸內寵有易之及張六郎
亦足矣蓮花乃似郎面紅兩腳狐媚嗤老翁紫挖袍集
翠裘一局失裘承之羞五郎六郎鹿嶽嶽梁公縱博折
其角。

皇嗣寬

誰言皇嗣反引刃剖我胸滿朝結舌多取容訟寃乃出
太常工有子不自明使女至於此舉入宮中幸不死君
不見太子弘太子賢一摘再摘黃瓜篇

中書考

不癡不聾不作家翁閨房之語何足亂吾聰稱大臣稱
尙父位極王侯功震主二十四考中書君古來將相誰
比倫程魚之譖徒紛紛

謫仙躡

清平三章譜新聲天子殿上親調羹琥珀之酒琉璃盛

請爲先生解其醜。臣白已醉。陛下聖明。晚力士兩眼瞪。
伸我足。聊煩卿。卿勿恚。卿勿惡。猶恐卿手污我足。

神仙骨

無。多。語。分。半。芋。領。取。十。年。宰。相。去。自。是。君。身。有。仙。骨。天。
遣。山。人。樹。鴻。烈。片。言。調。護。備。副。全。不。勞。羽。翼。來。商。山。陳。
平。張。良。何。有。焉。

唐老奴

河北李花謝。沙陀寄枝榮。朱梁未滅讐。未復奈何遽。自
稱尊名唐老奴。拂衣起吾王。自取誤老奴。昇歸太原不

食死

長樂老

長樂老何等老無才無德癡頑老事唐事晉事漢周更事契丹作元老是時萬姓分倒縣此老著書數百言孝于家忠于國子弟人臣夫婦子孫司長無愧德時開一卷飲一杯食味別聲與被色老安當代樂何極樂何極兮善厥終得壽還與孔子同長樂老爾死幸不早爾不見世修降表有李家不獨爾四姓恩榮長樂老

臥藥月

視。之。不。見。名。曰。希。聽。之。不。聞。名。曰。夷。先。生。置。身。聞。見。外。
一。臥。絜。月。忘。炎。曦。趙。點。檢。作。天。子。陳。先。生。真。隱。士。天。下。
定。矣。誠。快。哉。干。卿。甚。事。墮。驢。來。

錢塘弩

錢婆留射潮頭英雄舉動固不侔誅昌殺宏建奇績丹
書鐵券勤王室紛紛割據蝨螟多吳越且喜無干戈傳
三世歷五主八十年守疆土所憐一事欠雄武不聽羅
隱言臣事朱溫稱尚父

安石工

元祐姦黨碑石礮奈何辱我司馬公乞免署民字卓哉
安石工彗星夜歸文德殿黃門毀碑傳夜半蔡京乃入
姦臣傳君不見潭州死骨尙猶臭安民之名乃與黨人
留宇宙

我陳東

用注黃罷李綱上書獨有陳丹陽帝怒收請食已我陳
東豈畏死冠帶從容赴市時愁雲慘澹朔風吹同刑尙
有歐陽澈太學鈔鈔兩奇節

三字獄

小朝廷一臣構二聖環撤腦後岳家軍壁壘開平襄漢
平江淮圖大舉渡河去賊臣檜和議主金牌名不暫停
三字獄風波亭十年功一旦廢望中原空灑涕和議成
功臣傷驢背客韓蘄王

庶無愧

德祐辱已甚陛下可再辱匡山一溺葬魚腹千古孤忠
有張陸信國公留燕彊公不死宋不亡轟轟烈烈死柴
帚疆似黃冠歸故鄉生祭王炎午死弔謝皋羽從容就
義古所難成仁取義公有焉而今而後庶無愧日星河

嶽光參天可憐趙氏一塊肉忠魂長向厓山哭

無雙樂府

辛壬雜詩

叢稿第四

長洲 吳翌鳳

余自甲午後偶有所作皆應酬率具不足存丁酉冬奉先君子之諱并不復作詩矣歲辛丑始更爲之合壬寅之作通爲一卷曰辛壬雜詩

辛丑

元日書懷四首

少。小。愛。新。歲。老。大。嗟。華。年。嗟。跼。四。十。春。倏。忽。如。雲。煙。世。塗。紛。榮。耀。愚。者。安。靜。便。幻。化。寧。有。極。飛。沈。詎。無。緣。隱。几。

還讀書所願全其天

春氣及幽巷所遇無非新
徃來多真意想見太古人
嗟予失所怙四載爲鮮民
差幸母體康菽水寧嫌貧
悠然坐南榮寒梅吐芳辰

舉俗尙投刺獨我掩荆扉
起聞剝啄聲翻言有所之
穉女易新履山妻仍故衣
齊肩三男兒嬉戲無不爲
薄暮多喧聲比鄰人醉歸

六年不作詩舉筆一字無
今晨握枯管冥思驚衆雖
眞氣日淪浹性情與之俱
浮華刊已盡恬澹存眞吾
春光

正無邊願言攸腐麻

雜詩十一首

洪鈞播萬彙歎若風飄塵寄生大塊中分形成我身弟
兄與妻子於前定何親歡樂相依倚妍媸成屈伸四時
更代謝一氣還相因花落不改柯宵盡已復晨舉世任
推移誰能測其真

種桃冀成蹊種柳欲成陰風雨一推遷蕭散成秋林根
株非不固花葉庸詎任來榮誠可羨去豔匪自今寒暑
見殊態朝暮喧衆禽悠悠西澗側歷歷南山岑何來匠

石顧時聞樵牧音。達人識其然。感觸成悲吟。

揚朱泣歧路。墨翟悲染絲。吾心自通塞。斯道本坦夷。古
人去已遠。茫茫我何思。法言非不長。但受塗路嗤。甘言
易爲悅。旁人庸詎知。

日沒不周西。皎月升于東。陰陽雖異質。光輝與之同。榮
辱詎有基。變幻如飄風。委形任物化。外感非內充。五十
行負薪。時至名亦隆。不見東陵侯。沒世瓜田中。

登高臨四野。流睇望崇岡。荆榛莽蕭々。鳴鴉號我旁。寒
蟬信高潔。此物非所詳。挾彈不得射。憂思浩茫茫。

飢馬宋在廐牧芻起爭端蜻蛉翔寥廓黃雀乃見殘有
節木乃蝕水激成奔湍散樗生空山匠石不得干
刈薪幽澗底澗寒薪亦稀堅冰傷我足密雪霏我衣暮
春遘時雨雨盛百草腓薄言勤種植歲事與我違飢禽
噉路旁荷杖還荆扉

春風吹百草好鳥林際喧幽幽北山阿時時駐高軒相
知何必廣一二時世賢古人美傾蓋方此寧不然援琴
撫高操虛懷挹羣言吁嗟管鮑交悠悠安足論

微微落月暉瑟瑟秋風晚明燈照離席行人夜中飯轉

蓬戀本根浮雲還蒼巖非仕亦非賈胡爲自遙遠江湖
多風濤遊子何當返

啞啞林際鳥亭亭江上鷺落羽一分飛形影不得顧秋
風何蕭蕭杖策遵廣路寒蕪一以深時復見丘墓煌煌
金張業朱朱松楸莫卻笑夸毗子營營多所務

義和無停馭歲序忽已改紅芳有時歇浮名豈長在來
者。空。復。多。古。人。不。相。待。胡。然。紛。志。慮。徒。爾。炫。文。采。遂。迤
非所甘淪冥復何悔先賢有遺編因之見千載

鄰牆杏花二首

東風著意作春寒。一樹輕紅雨未乾。誰識西家老居士。
牆頭二十八年看。

酒旗掩映雨中枝。又是芳菲欲盡時。蛺蝶過牆應便訝。
看花人已鬢如絲。

吳趨行

吳趨作麗地。長洲冠蓋區。雕甍壯華屋。鮮袿照路衢。清
歌憐趙女。錦帳陋齊奴。珍肴不知名。酒上正豐腴。寧知
窮巷士。時作庚癸呼。車馬何方來。挾持一何都。白壁千
黃金。瑟瑟大秦珠。公孫崇節儉。此物非所須。脫粟及布。

被○皆○言○與○人○殊○

寒食日舟中作

草○色○與○愁○新○孤○帆○渺○去○津○禁○煙○山○郭○暮○霽○雨○謝○橋○春○落○
落○思○前○事○栖○栖○笑○此○身○東○臬○正○新○綠○時○有○荷○鋤○人○

春江曲

春○江○江○水○清○可○憐○櫻○桃○作○花○紅○欲○然○滿○帶○水○上○凌○波○女○
走○馬○隄○邊○俠○少○年○少○年○遊○冶○倡○樓○暮○門○外○輕○盈○飛○柳○絮○
桃○根○桃○葉○斷○人○腸○一○舸○春○風○渡○江○去○江○草○萋○萋○空○自○芳○
鄂○君○翠○被○寒○無○香○鴛○鴦○獨○宿○銀○塘○冷○江○水○不○如○清○夜○長○

鳳皇篇

鳳皇不世見見則國祚昌三聲出丹穴一舉升朝陽古
人去已遠舉世仰末光令德非所知文采詎有常鷓鴣
亦有翼鷄鷄亦有章形質雖可比去聲寧如鳳皇翔朝飲
金盤露暮啄瑤草芳翩然將九雛遊戲清都旁江湖有
白鷗鰕鰕頰毛羽傷

生日有述

恬曠夙有懷牽拘竟無成來時循虛至徃日觸緒驚蒙
求遂匏繫志養徒筆耕熏風入軒牖念舊愁屏營三紀

邁。閔。凶。四。年。守。孤。清。既。關。令。原。急。復。此。兒。女。情。莫。遂。長。
養。術。方。思。雨。露。榮。早。衰。今。既。然。浮。名。昔。所。輕。相。將。秉。高。
節。庶。幾。稱。達。生。

放歌行寄林煜奇都門兼懷顧垚峻大名

東家盛時厭卑促。拓地四鄰起高屋。西家開讌鼙鼓鳴。
美人揚袂花間行。誰識紅顏竟黃土。朱門畫樓三易主。
不信但看桃李姿。昨日花發今空枝。人生盛年貴適意。
何事年年長別離。君不見大名城中顧山長。文筆權奇。
氣蕭爽。鄉里小兒項領成。一言不合空悲鳴。秋風蕭蕭。

幾朝暮。海燕辭巢。雁南度。縱令百尺置君身。誰更千金買詞賦。與酣日落西風來。灑灑蒲桃新醅。醉此中不盡萬古意。寄君直上黃金臺。小山蒼蒼桂之樹。中有幽人讀書處。怨鶴驚猿久相誤。爲君一歌招隱曲。東家西家秋草綠。

送程二融發遊滇黔

萬里投荒徼。三秋唱別歌。塞深圍犴狴。天遠入牂牁。客鬢涼風早。鄉心夜雨多。天涯有歸計。忍負舊巖阿。

秋杪赴橫塘。虞勛之楊南有之招。遂同公孫執

楊有南馬心培毛士清家師中遊湖上歸宿紅
蠶書屋分韻

久爲城市拘秋期果幽約揚舫探嘉勝杖策度巖壑新
歡及故知諧謔相問作稍登茶磨嶼復上潮音閣垂垂
丹袖林瑟瑟黃蘆薄驚風忽飛揚寒林半凋落方春爲
茲遊古寺久棲託晴湖望渺彌山桃吐芳萼轉曠物候
移樂緒變蕭索良時一若此人生詎如昨高齋面平疇
露氣疏簾幕援琴寫清弄停杯罷深酌楞伽遠鐘聲泠
泠到秋郭

橫塘晚望同王百川

古渡落丹楓。人家秋色中。蒼然夕照裏。吟眺與君同野。
興孤邨酒離心。遂斷鴻。誅茅曾有約。回首小橋東。

水閣晚眺率爾成詠

密林圍小閣。習習動涼颺。正好臨流望。頻來薄暮時。鷺
飛秋水澗。山靜夕陽知。幽意誰能會。休嫌歸去遲。

東齋始寒有懷諸子

重門秋向扃。今昨殊寒暄。沈疴初告癒。中心鬱以煩。稍
稍涼風急。瀟瀟暮雨喧。雁聲寒不度。雲氣晚逾昏。節序

屆搖落親故誰過存懷人撫三弄適已傾一尊夜燈照
孤影衾枕不易溫

壬寅

春霽懷彭秋士

積雨滯餘寒庭草綠尚淺長窗始覺晴風日便已暖故
人期不來新詩賦猶懶春雲滿前山竹扉行可款

閒居雜感三首

昔我居斯里蓬蒿連廣陌今我居斯里幕塵無斷絕井
井三十年頓爾異喧朱子孫迭爲主鄰里如過客當年

嬉戲儔雙鬢各已白。惟有擔前樹。還如故時碧。

與我同入室。在者惟慈親。十年長兒女。濩落成吾身。起視閭里間。寥寥無舊人。比舍起華屋。高門勢嶙峋。昔時鶉衣子。裘馬炫四鄰。豈伊貧富異。習俗不可馴。嗒然還入戶。且復存吾真。

窮居寡人事。一編長晏如。豈必謀祿仕。聊以養吾愚。清晨坐南樂。愛日滿屋廬。有妻不鍼紉。有女頭嬾梳。大兒年十一。頑鈍不可呼。阿三故多病。骨立深足虞。二郎解人意。見我趨座隅。伺我笑顏開。時起捋我鬢。督責有先

後撫字無偏枯我年逾四十手口猶卒瘡有子不能教
覩顏列師儒深恐舊業積趨向入歧塗天意安可測閉
戶且讀書

凋瘵山莊爲楊有南賦

無多十笏地臨眺足幽情。一夜山中雨。門前春水生。佛
銜寒自炯。詩思晚逾清。莫漫嗟搖落。霜華歲歲榮。

山莊木芙蓉

盛
芙蓉

楞伽舟中作

城南楊花春可憐。前山後山聞杜鵑。袷衣閒作獨徃客。

薄暮又上橫塘船酒旗春影上夕照寒食風光飛紙鳶
人生哀樂殊多事臥聽竹聲喧野泉

張氏園林小憩示同遊諸子

巢燕歸何晚園花幾度新舊時湖上月曾照花間人隔
竹間茶臼看山臨葛巾巖城鐘鼓發歸櫂柳塘春

客齋有述簡卞培基韓東生

十載客東郭孤蹤竟安之枯魚困泥滓顛顛何所施偶
逢夜鐙未或待朝陽曦怡然理筆硯兀坐吟新詩徃昔
事馳騁浩泚攄文詞登臨與懷古議論靡不爲近復愛

古澹直寫胸中思。當其運思時。感觸多所悲。鷓鴣少健。翻蘭蕙無高枝。此心一以平。卽事多坦夷。意行涉苔徑。得暇撚霜鬚。怡情寓五倫。適興隨四時。篇成聊自詠。句獲無矜奇。不顧俗子笑。一任健者嗤。卜翁富篇什。落落山野姿。韓君才不羈。韓蘇亦兼師。方今詩教昌。萬心春熙熙。堯民歌擊壤。薄海無或遺。正始致足尙。大雅端在茲。相將聳吟肩。浩歌樂昌期。

午睡甚適起而成詠

緝書意不憚。意行心亦悴。恬然一枕餘。松陰涼。夢寐和。

風習習吹鵲然北窗意山禽啄春糝庭草積空翠幽人
敝關中商畧新茶味

初夏偶成

池塘宿雨霽園林景物非方欣白日永不厭青春歸前
塍流水響後圃桑葉稀東臯麥漸漸田父情依依相從
二三子杖策臨苔機采真識至理委時悟化機西崦夕
陽盡北戶涼風微泥融燕新乳草長鶯亂飛物候有如此
取樂意無違高詠梁父吟獨掩荒齋扉

送王六歸蜀

蜀山遠吐參差碧。古城莽莽連雲白。樹色經霜錦水秋。
浪花帶雨瞿唐夕。此去山中好著書。鳥噓花落伴幽居。
憐余白首滄江上。獨把綸竿坐釣魚。

哭家介社

賢愚既同盡。彭殤寧有偏。斯世非不永。所貴全其天。子
形已隨化。子哀未能捐。衰草被窮巷。秋風款柴門。平生
所愛物。神氣不復親。我心多所悲。賴子竟其原。子已長
不寤。茫茫誰與言。無子不足悼。有妻乃堪憐。披帷一長
慟。悠悠悲逝川。

東齋秋坐書畬同學諸子

蹇劣仍負疴分定無越想蒼苔夜雨深開門斷來徑琴
書久不御窗牖坐逾朗頓覺愛憎多寥寥寡心賞愧此
英俊流妙筆驚秋爽辭榮嘉遜亨息慮遂蒙養無言對
清景東林月初上

對雪

稍稍竹侵戶淒淒寒到衾曉來庭宇閒積雪亦已深斜
飛入風牖急灑霑瑤琴荒塗無律迹斷雁絕來音寒光
炯虛室春氣動幽林愧彼高臥者擁被還孤吟

送韓二仲敏歸海虞

韓。郎。菰。蘆。士。幽。蹤。落。禪。窟。家。近。不。得。歸。頻。年。滯。遊。轍。一。
鐙。照。孤。眠。千。慮。集。募。節。茲。來。別。我。去。扁。舟。向。晨。發。歲。晚。
家。室。情。誰。能。不。怡。悅。垂。垂。嶺。上。梅。霏。霏。林。際。雪。與。君。訂。
後。期。無。使。春。芳。歇。

辛壬雜詩

東齋餘稿

叢稿第五

長洲 吳翌鳳

東齋者余自名所適館之地也齋有花有石又有樓
可眺遠尤於秋月冬雪爲宜余客此齋者十有八年
昔時童穉今皆抱子而余亦冉冉其將老矣居齋時
吟詠頗多自辛壬紀集後復得如干首不忍棄去遂
錄之爲東齋餘稿

癸卯

東齋雜典八首

開歲好風日欲徃西山遊扁舟泊枉渚一雨何曾休自
爲東齋客雨霽雲亦收夜來西山月照我東齋樓適興
卽爲樂所得難預謀悠悠斯世人汲汲何所求

林煜奇
翠舟欲

徃西山值

雨不果去

鄰樹藹新綠荒齋亦已春餅罌貯山泉聊以遲嘉賓嘉
賓惠然來留連動經旬有時還賦詩屈言懷遠人好鳥
入清聽遊儵躍芳津怡然忘世慮灑落成吾真

西山亦有樵北舍朝無煙挂瓢高枝上何從得甘泉主
人南窗下日夕書一編飢寒不關慮得失亦已捐清風

冷○然○來○吹○響○琴○上○弦○明○月○不○我○棄○夜○夜○照○我○眠○

落○落○汝○南○君○卅○年○共○顛○顛○不○見○五○闕○月○恍○惚○入○夢○寐○老○

成○凋○謝○盡○愈○覺○師○資○貴○我○今○亦○就○衰○君○已○六○十○二○有○子○

不○能○養○反○以○雛○孫○累○一○編○青○囊○書○悠○悠○聊○卒○歲○懷周登
扶先生

憑○高○縱○遊○目○虛○襟○絕○塵○氛○鬱○鬱○嘉○樹○林○上○有○萬○里○雲○故○

人○航○海○歸○惠○顧○多○所○欣○遂○與○二○三○子○杯○酒○通○殷○勤○別○來○

未○浹○歲○悵○然○惜○離○羣○春○山○有○前○期○檣○舟○方○待○君○毛士清
歸自闕

中相約爲
支劬之遊

辛○勤○三○十○載○積○有○萬○卷○書○清○晨○擁○泉○比○快○意○恣○咬○漁○篝○

鐙尙吟哦兩目已翳如猶復寫不止家人謂我愚東隣
富金玉西舍多膏腴生兒入里塾不聞列架儲
日夕東齋居還家反如客閒門無人來庭草可憐碧山
妻課薪米穉子索棗栗好言慰其情翻用事權術丈夫
四十餘早覺憂患集非無大廈庇固窮吾所執
故人虞子敏爲我編詩歌有序弁其端謂得秋氣多二
十爲諸生四十滯巖阿窮達諒可知行藏復如何我欲
飲美酒矢音任天和東齋可藏拙詎必遊煙蘿

春雪吟

江南三月雪靡靡桃花李花落江水西鄰置酒喧夜闌
擁鑑猶說今宵寒東齋野人衣綻裂高聳吟肩來看雪
釜中無米不得炊忍飢還裁春雪詩飛廉滕六莫驕態
已○近○春○城○寒○食○時○

酬釋杲堂見贈之作

前年見師詩自詫得詩友逢人說項斯遂謂識師久飛
錫來清涼參五臺四會合洵非偶師來我歸先我歸師去後
浮雲與飛鳥咫尺竟相負笑余菰蘆人生平慎趨走况
讀冰雪吟炎歊復何有買山愧未能早衰等蒲柳何似

安禪者孤燈照吟牖

來章有城市炎熱之語故有菘蘆
冰雪云云聊用解嘲知仍落箭鋒

也機

秋日閒居作

且喜殘暑退秋光到閒門游氛一以靜曠望極郊原涼。
意上碧梧回風偶成噓冷然太古音滌我胸中煩適興
理圖史焚香清心魂梧陰晚逾碧欲染衣袂痕耽此幽
居樂聊息物役繁所得有如此默領復何言

見隙中飛塵感賦

霏。霏。微。微。若。有。形。悠。悠。揚。揚。不。暫。停。眇。之。無。端。攬。無。迹。

挾日滾滾穿窗櫺。幽人屏迹謝人事。三竿日出夢乍醒。
凝眸諦觀發深慨。世間擾擾紛羶腥。寶田競勢位。尹邢
鬥娉婷。錐刀所至禍機伏。翻雲覆雨滄涓涇。君不見天
上雲幻作白衣。與蒼狗乘風一去復何有。浮雲蒼狗有
時滅。此塵亘古長不絕。

嘲迎春土牛和王西莊光祿韻

濕濕其膏肖此身。泥封紙裹一番新。浮華直等麒麟。援
幻化終隨掘塚塵。嗟客恨無心可炙。挂書翻訝角如真。
前街金鼓喧闐甚。望斷人間有腳春。

甲辰

舟中望崑山

昔○寓○玉○峯○麓○開○門○卽○青○山○朝○見○山○雲○出○暮○見○山○雲○還○平○
生○愛○山○心○對○之○了○不○關○今○晨○鼓○輕○楫○遙○睇○青○髻○鬢○忽○如○
逢○故○人○一○笑○開○心○顏○山○容○正○如○昔○我○鬢○則○已○斑○山○雲○應○
笑○我○逐○逐○何○時○閒○

春莫泊舟太倉西門外訪弇園梅邨遺迹不得
漫成三絕句

偶來繫櫂古城根近海潮多覺水渾一片酒旗斜日影

落花風裏過前邨。

垠邪壇坵息風華萬樹寒梅又作花欲問當年池館處
玉鞭敲斷野人家。

枯楊垂盡又生稊誰與遊人指舊蹊
野田荒冢啄新泥。

感秋

蕭蕭木葉下蕭蕭涼風吹烈士多壯心
愁人識天時荒廬無垢氣
草露正華滋中夜不得寐
起步循曲籬
我傷悲我歌
我豈知君子固窮節已矣不復疑

九月二十一日夜讀虞勛之話年邨舍詩因寄
此篇兼簡李丈勉百孫二公執

聞鐘夜初宋虛室自幽閉坐看雲際月遙從竹間上露溥冷光哀蛩迸寒響一卷冰雪吟尋繹寄遐想幽草
悴高秋孤花落枯壤茫茫宇宙閒從誰覓真賞橫塘水
清泚邨居致蕭爽不知三語掾何如五湖長相期挾故人
高會繼疇曩明發皸松關長吟繫吳榜

除夕坐松臥居感遇書懷作詩二首事無幽顯
悉見乎詞

苑柳榮枯未可期。流年過盡又如斯。君苗久已思焚筆。

賈島何勞更祭詩。舊雨忽驚歸宿草。

謂林煨竒

新聲誰與和。

吹簫春風隔歲如。相惜只替愁人染白頭。

是日立春

促坐傳觴酒一壺。荒涼門巷換桃符。平生不忿呼牛馬。
傾耳猶聞響蟪蛄。豈有高明容鬼瞰。得無笞罵任人奴。
殘年飽飯圍鑪話。莫道年來樂意無。

乙巳

元日書懷二首

淡雲晴日爛烘春。瓶綻梅花亦可人。

上國側聞

頌

慶典

時值國壽

覃恩

國

清尊相與樂芳辰兒童簫鼓鄰翁厭貧

薄齋鹽節物新身入幽風圖畫裏悠然直似葛天民

樛材自分老巖阿浪說微書到薜蘿華髮酡顏猶夙昔
花枝酒海已蹉跎歲寒盟約前塵在春日田園雜興多
聞說九衢饒樂事采棚燈火翠臺歌

人日雨寄孫公執

令節逢人日年光委逝波貧家春事少深巷雨聲多莫
負看鐙約聊爲對酒歌不知山館裏梅信近如何

兩宿鄭廷載松隱草堂與徐三峙東夜話次韻

送客留髡乙夜過花龕墨妙幾摩挲

廷載出示下文瑜山水開花龕下自

號

社分北郭詩情遠燭翦西窗夜雨多故老傷心同宿

草

追悼洪鳴佩菴董浦諸先生

幽人天許臥煙蘿乞將一卷漁樵話

譜入吳儂擊壤歌

廷載自號礪南漁者峙東自號雪樵

蔣端甫出示紀遊詩索題卽次卷中韻

自作江湖客名山愜遠尋鶯花雙鬢老風雨一船深解
佩辭長劒開椽出短吟廿年詩酒伴蕭散歟成今

東齋有樓可眺然不見有山也陶仲子見之指

以示余余明年將去此他適雖欲日看此山其

可得乎因賦二絕句以志感

疑樹疑雲望杳冥。廿年孤負草堂靈。
煙鬟似惜人離別，露出西南一角青。

終南捷徑肯追攀。漫向人前說買山。
屋角野雲來又去，多應笑我未能閒。

門有車馬客行

君家池頭兩谿鳩。毛羽修修戲君側。
雄飛雌伏判俄頃，佗日相逢不相識。
君家結客多豪雄，門前車馬如游龍。
一朝黃金散欲盡，妓堂冷落賓徒空。
山有木兮木有葉。

青。青。者。松。齒。齒。石。褐。衣。藿。食。且。閉。關。生。不。願。見。門。前。車。
馬。客。

池上作

渺。渺。芳。塘。水。清。瑩。一。鑑。如。閒。雲。時。度。影。秋。雨。欲。生。魚。踞。
酒。能。無。石。持。羊。不。待。戲。激。觀。良。不。厭。便。擬。結。茅。蘆。

齋中木芙蓉盛開感賦

閒。庭。纔。一。弓。亂。草。閒。叢。棘。惟。茲。芙。蓉。花。亭。亭。余。所。植。高。
枝。鬱。以。繁。密。葉。淨。如。拭。秋。深。吐。奇。葩。清。露。湛。嘉。色。荏。苒。
數。日。芳。辛。勤。終。歲。刀。風。雨。墮。殘。紅。飄。蕩。詎。有。極。何。況。齋。

中。人。去。住。能。自。必。明。年。更。誰。看。對。花。三。歎。息。

題頤橫波畫蘭三首

玉臺金屋委荒丘，九畹空存楚澤秋。
癡絕江南年少子，酒酣猶自說眉樓。

弱質芳心不自持，幽花寫出一枝枝。
自從譜入滄桑錄，不忍臨風讀楚詞。

草色句闌幾度新，堂開半野亦成塵。
可憐一種風流筆，都是尙書傳裏人。

十二月六日作

歲。晚。草。不。芳。天。寒。日。沈。西。蕭。條。窮。巷。間。觸。目。多。窮。黎。屋。
角。聚。羣。烏。啾。啾。向。人。哢。誰。知。廬。中。人。薄。暮。猶。忍。飢。道。旁。
一。老。翁。涕。泗。垂。兩。頤。有。女。不。得。鬻。將。身。委。溝。谿。凶。荒。徧。
吳。會。流。民。死。無。時。城。中。豪。富。家。酒。食。方。娛。嬰。

東齋錄別五首

明年將移
萬城西

廿年爲寓公所遇孰非故偃仰一室中久自安吾素豈
意當乖違荏苒歲成暮住久轉生戀欲去時反顧白雲
忽飛來亭亭倚高樹

昔來我未壯今去鬢已白悠悠竟何爲歲月真可惜諸

生方妙年樹立宜自策奄忽人事遷摧藏復何益持觴
不得御吟歎坐終夕

征鴻方東來巢燕忽西飛夫豈巧爲避節序相推移亦
有素心人形影不暫離俄爾遽分張焉得不懷思中宵

起引領三復停雲時

張充之同寓十五年顧洵
芳將以明春來館涉趣齋

生平無佗好矻矻手一編萬卷不爲多廿載依寒甌今
晨勞僭負累重滋縈牽亦有木芙蓉手植纔五年人去
花自芳浮紅爲誰妍

志士尙氣節薄俗恥賤貧主人敦古誼相處獨以真執

手○勞○勸○勉○願○言○懷○其○新○鸞○鳳○栖○枳○棘○疇○識○希○世○珍○風○雲○
有○時○合○欲○去○誰○能○馴○

西塘晚歸感賦

殘○年○心○事○總○難○虞○落○葉○西○風○愴○客○塗○暝○色○半○林○催○步○屨○
炊○煙○幾○處○出○荒○廚○異○時○空○羨○文○翁○化○此○日○誰○陳○鄭○俠○圖○
望○裏○西○塘○明○月○夜○蒼○蒼○鴻○雁○滿○菰○蘆○